

სახალხო ბაზუმი

სურათებიანი ჟამათება

ბაზუმის № 684

ლაგატივის № 120

კვირა, 26 აგვისტო 1912 წ.

ბაზუმის მოგზაურობა რაჭა-ლეჩხუმი.



ბაზუმი აკაკის ასზე მეტი ქართველი ქალი შეგება ეროვნულ ტანისამოსით.

სულის კახილი.

ისევ მას.

დიდ ხანს გეძებდი...

სრბოლით მოღლილი, მორაბიეთის*) შავი წვერვალადან

ასე გიხმობდა სული ჩემი:

„შროშანო ღელისაო, სვინტრო ობლად ასულო! შენ, რომელიც განუსაზღვრელი სიფრთხილით სდარაჯობ საუნჯესა ჩემსა, მოვედ!

აღმოსავლიდან დასავლეთამდე, ცივ ჩრდილოეთიდან ვიდრე ცხუნარე სამხრეთამდე შენს კვალს დავეძებ, მახლობელი ჩემო, და ვით გვრიტი და ცალბეული, გულ-აოსკენილი ვსტირი, გეძახი: მოვედ!

უღაბნოს მხურვალე ქვიშამ დაჰსერა ფერხნი ჩემნი, ასპიდთა და მორიელთა დაჰგესლეს ტანი ჩემი; მოუკლველი წყურვილით გამხმარი ენა სასოწარკვეთილი კივილით გიხმობს: მოდი, მეჩვენე! ლერწამო შავი ზღვისაო, ბარამბო**) რნესულოვანო! შენ, რომლის იღუმალი მძლეობა უცხო ფერად აყვავებს მტრისგან გაპარტახებულს კოლხეთის კიდეთ, მარქვი: სადა ხარ!

დაბინდებისას, ოდეს მწუხრის განუქვრეტელი რიდე საბედისწერო მოულოდნელობით გადაეფარა ჩემი ცხოვრებისგზა-წერილს,



† ეგნატე ხრამელაშვილი, გარდაიცვალა ტფლისში, 1912 წ. 17 აგვისტოს.

*) მთა დასავლეთ საქართველოში.

**) მცენარეა.

უეცრად ფვალთაგან მიმეთარე და ველარ გზოვებში მითხარ: სადა ხარ, სად იმალები!

აჰა, ორბმა მოსძებნა ბუდე თვისი—ტრფობის საფანე; ლალი ირემი, კლდეს გაღმომდგარი, გულის ფანჯკალით უცდის თავის ტოლს; შენ კი სად-ღა ხარ? მოდი, ოჰ, მოდი, ტკბილო ჩემო!

დაუცხრომელი ელდის კანკალით გელის სიყვარული ჩემი: ნაზი სიფრთხილით მკერდს მიგიხუტებ, ვით დედა შვილსა, და სამარადისო გრძობით შეკრულს თვით სიკვდილიც ველარ განაწვევრებს შენგან, ტყუპო ჩემი სულისა.

მოდი, მისმინე!

ხატება შენი—ვით მარგალიტი ზღვაში ნაგორები; ბაგენი შენი—ბროწეული ორად ნახლეჩი;

ვინ და შრიტოს ნექტარი მათი!

არსება შენი—ვით ცეცხლის სვეტი, დასაბამიდან რომ ჩემს წაპებულ სამშობლოს უკილია; სუნთქვა შენი—სურნელება აღმოსავლეთის გუნდრუკისა.

ვენახთა შორის ავაშენე წმინდა სამსხვერპლო; იქ მივიტანე გული ჩემი და დავსწვი სრულად, ვით მსხვერპლი ყოვლად დასაწველი ძველი ალექმისა.

მოდი... მოდი და მიიღე ფერფლი მისი

შენთვის განმზადებული, ღმერთო ჩემო, მხოლოდ ჩემთვის განკაცებული“.

ასეთი იყო გლოვა ჩემი უჭირისუფლო. მაგრამ ამაოდ: იგი არსად ჩნდა.



1812 წ. საგაბულიშვილო ომის დღეასწავლის გამო.



იმპერატორი ალექსანდრე პირველი.

ეს სურათები ქართველ მებრძოლ ვ. ნ. ბეჟანაშვილს გაუკეთებია მოსკოვში დარგულ ფერად ყვავილებიდან და იწყობება რუსეთის მებრძოლის მოყვარეთა საზოგადოების თავმჯდომარე ვ. ი. ანანინის ბაღში. ფერადი ყვავილები ისე ხელოვნურადაა შერჩეული, რომ ადამიანს ტილოზე ნახატი ეგონება. ბ-ნ ბეჟანაშვილს უბოძეს წოდება მხატვარ-პორტრეტისტი და ოქროს დიდი მენდლითა დააჯილდოვეს.



ნაპოლეონი.

ცასა და დედამიწას შერთობოდა ხა ჯება მისი ჟამთა სა-
ცვლელად და საბრუნებლად.

ობლად დამტოვა...

კვლავ ავიკიდებ სამგზავრო გუდას და ყავარჯნით ხელ-
ში ვივლი—კიდით-კიდემდე დავსერავ მსოფლიოს სივრცეს,

როგორც წყეული, ღეთის რისხვისაგან ლტოლვილი სული;
ვივლი... ვივლი შეუსვენებლად, ამიერიდან უკუნისამდე, სა-
ნამ არ გპოვებ შენ, შროშანო ღელისაო, რომელიც შეგიყვა-
რა სულმა ჩემმა.

ჭ. უმბაძე.

გიჟური პნეპა.

(ეტიუდი)

არავის უნახავს, არცა ვის
გაუგონია, რომ გიჟი გუქიტა
მდინარე ენგურის ნაპირებს გან-
შორებოდეს, სხვაგან გაეთენე-
ბინოს, ან დაელამებინოს...

საიქიოდან მოვლინებული
აჩრდილივით დაძრწის საცო-
დავი გუქიტა მუდამ ატეხილ
ენგურის პირად. არა ხურავს-რა,
არა აცვია-რა. ერთი რაღაც
დაფხრეწილი ძონწეული გააჩნია
და მასაც მუდამ ხელით ატარებს,
ან სასოებით ინახავს სადმე
ხისა ან ბუჩქის ძირში. იგი ჯერ
არ ცმია მას... მის უხორცო
ჩონჩხს კი კლდეზე სიარულით
და ეკლნარში წოლით დახეულ-
დასერილი უსიცოცხლო კანი-
ლა ჰფარავს!

საშიში სანახავია გუქიტა!
მისი ორმოვებად დაპობილი სა-
ხე ადამიანისას არა ჰგავს.—უა-
ყაჩოს ფოთლების წითელი წვე-
ნით შეთხუზნილი აქვს დახეთქილი ლოყები! ამავე წვენით ია-
ლისფერებს იგი უსისხლო წვრილს ტუჩებს, ხოლო წამწამთა
და წარბებს შავად იღებავს ნახშირით! მუდამ გაშლილი თმა
დახლართული აქვს ბალახ-ბულახით, მის გარშემო კი შემო-
ყოლებული ველური და ქაცვიან ყვავილებიდან გაკეთებული
ძეწკვი!

გუქიტას თვალები არა ამ ქვეყნიურია. ისინი ღრმად ჩა-
ხეთქილს ორმოში სხედან უძრავად და იქიდან ერთის გამო-



თ-დი კუტუშვილი,

მთავარ სარდალი რუსის ჯარისა.



თ-დი ბაგრატიონი,

სარდალი მეორე ლაშქრისა.



მურატი,

ნაპოლეონის მოწინავე ჯარის
სარდალი.



დავუ,

ბაგრატიონის მოპირდაპირე
ჯარის სარდალი.

უცნობის ნდომით იმზირებიან...
თავისთავად უფერულს კაკალ-
ში ეს ნდომა ფოლადის ფერის
ერთ სხივად კრთის ისეთის
ძლიერების სხივად, რომ ჯო-
ჯოხეთიც კი შეკრებოდა მის
დანახევაზე! მძლავრად გატყორ-
ცნილი ისარივით ხვდება ეს
სხივი მჭკრეტელს...



რაც შეეხება გუქიტას ხმას,
ის ახლო თითქმის არ ისმის.
შორს კი რაღაც გიჟური აღ-
ტკინებით გაისმის... გრძობას
ურევს მსმენელს, სულის-თქმას
შეუყენებს!

ამიტომ გაურბის გუქიტას
ხალხი, სოფელს მისი ეშინიან.
გარნა გუქიტაც ემტერება ხალხს
და სოფელს არ ეკარება!

ქვეყნად არა რა არსებობს
გუქიტასთვის—გარეშე ენგუ-
რისა. ამ მდინარესთვის შეუწი-
რავს მას თავისი გიჟი ფიქრები,
დამაფრთხობელი სურვილები...
ენგურიაა გუქიტას გულიც და
სულიც! ენგურია მისი ცაც და
მიწაც. ენგურისათვის ილამა-

ზებს გუქიტა სახეს! მისთვის ჰკრფეს იგი ვარდ-ყვავილებს!
დიდი, დიდი ხანია, რაც ენგურის ტრფობა ცეცხლად
მოსდებია გუქიტას. დიდი ხანია, რაც იგი მოელის იმ ნეტარს
წამს, როცა ენგური გაარღვევს მთად, გააპობს ნაპირთ და გუ-
ქიტას ჩაიკრავს გულში, გაატაცებს... სწორედ ამ დროისთვის
ინახავს გუქიტა თავის ტან-საცმელს: იგი მაშინ გამოეწყობა
და დედოფლობას შეიშვენებს!

მატარებლების დამსხვრევა





მატარებლის დამსხვრევა გორის ახლოს.

გადაღებულია სამხრეთიდან. წინ ორთქმავალია, მერე აყირავებული ცენდერი და შემდეგ III კლასის ვაგონი.

მატარებლის დამსხვრევა გორის ახლოს.

გადაღებულია აღმოსავლეთიდან.



მატარებლის დამსხვრევა გორის ახლოს.

გადაღებულია ჩრდილოეთიდან: წინ მალა ასულია დამწვარი საბარგო ვაგონის თვლები.

მატარებლის დამსხვრევა კავკასის გზაზე.

საცოდავი გუქიტა!.. რომელმა ქვესკნელმა შეახო მას თავისი კლანჭები და ეგრე დაუბნია გონება? რომელმა ჯოჯონეთმა გაჰკრა მის ავადმყოფს თავს თვისი ჯადო ფრთა და კაცური ყოველი გარდაჰქინა მასში?

ქეშმარიტად შეუცნობელი რამ არის გუქიტა!—მთელის თავის ავადმყოფი არსებით ეტრფის იგი ენგურს: ხან კლდეზე აცოცდება და იქიდან გასძახის ენგურს... ხან ღრეში ჩაეშვება და იქიდან უყივის სატრფო მდინარეს... ტყეშიც კი დაიმალება, ბუჩქ-ეკლნარშიც კი გაეხვევა და ყურებს დაიცავს, რომ ენგურის მჭეფერი მდინარეა თვალით არ დაინახოს, ყურით არ ისმინოს მისი გმინვა, მხეცური ღრიალი, რომ ამით გიჟური ვნება გაიმწვავოს, მომკლავ ბნეკას მიეცეს!..

იმისთვის რომ უცილებლად ექვრიტნა ენგურისთვის, გუქიტას დაბლობი დაუვდა და მალა მთებისკენ გაჰყოლია. უკაცურს, ველურს ადგილებში უფრო ბედნიერად იგრძნო თავი გიქიტამ. ენგურიც აქეთ უფრო წარმტაკი, უფრო ძლიერი და მშვენიერი იყო. ამ ადგილებში არც ნავი, არც ტივი, არცა და ეცილებოდა გუქიტას. თითონ ველური, სულით და ხორციით პირველ-ყოფილ ბუნებაში გაქნილი, ყოველს კაცურს მოშორებული, მხეცათ-ქმნილი გუქიტა ტყესა და მთებში მხეცებს უყიოდა და მათ უმხელდა გულის ხვაშიადს!!

არცა სკამდა გუქიტა რასმეს, რომ ენგურის წყალში არ ამოევლო წინასწარ, არცა მილულავდა სხვაგან თვალებს, თუ ენგურის დამათრობელი სიო არ დაუქროლებდა მის პირსა და ტანს!!

...ხორც შესხმული უცნაურებაა გუქიტა! მიუწლომელი, უსახელო რამ, რაც იქნება, შეცდომით ადამიანის სხეულში ქვეყნად მოვლინებულა!..

*
არ იქმნა, არ მოიტაცა ენგურმა გუქიტა! გუქიტა კი დაილია. მისგან ხმა და თვალები-ლა დარჩა!

მაშინ გუქიტამ გადასწყვიტა თვითონ მოიტაცოს ენგური! ერთი კვირით ადრე მოირთო გუქიტა... შეიმოსა თავის ძონწყულში. დაიფერუბარია სახე და საყვარელ ველური

ყვავილებიდან შეკონილი გვირგვინი თავზე დაიდგა... მრავალი ასეთით მორთო ის ადგილიც, საიდანაც იგი აპირებდა ენგურის გატაცებას. ეს ადგილი კი მალალი კლდე იყო, მდინარის შუა ტანისკენ გადაზნექილი... აცოცდა მასზე გუქიტა და საშინელის ლტოლვით მოველინა ენგურს...

— აჰა, თვითონ მოვედი შენთან, ჩემო ენგურო! არა გრცხვენინან, ვეფხვო? მე თვითონ მოვედი შენთან!.. ფაფარ-აშლილო, ტან-ფსკენილო და ბრკყალებ მაგარო!.. ვაჟო-ვეფხვო, ჩემო ენგურო! ჰა, წარიტაცე შენი გუქიტა!.. იგი თვითონ მოვიდა შენთან.

ამ ადგილებში ენგური გააფთრებული მხეცვივით ღმუღა და და გაშმაგებით ებრძოდა ვიწრო ნაპირთ.

— ჰეი, გზა, გზა მიეციტ ჩემსკენ ენგურს! გზა, კლდენო და ღრენო, ჰხედავთ, ჩემსკენ მოჰქუხს, ჩემსკენ მოჰგმინავს ჩემი ენგური!

ამის გაგონებაზე ენგურმა თითქოს მალა აიწია და გულმკერდის გაშლით, ზუზუნით ტყვიასებრ წინ წავარდა.

— ეგრე, ანდაშატო!—მთელის ტანის ცახცახით კვლავ შესძახა გუქიტამ ენგურს, რომელიც ვერცხლის წყალისებრ სრიალა ტანს თავ-შეუკავებლად ხან მთას აჯახებდა, ხან კლდეს ახეთქდა. ქექითა და გმინვით ახანზარებდა არეს, ბრკყალებით ჰბასრავდა ნაპირთ და ღრენით კბენდა დაქვიტკირებულ ქვეებს!

უკანასკნელად სქვრეტდა გუქიტა ენგურს. მალლიდან დიდს მანძილზე გადაჰყურებდა იგი მას.

აგერ კლდიდან-კლდეზე ხტის სწრაფი და ცქვიტი!.. აგერ შედგება, შებღავლებით ფაფარს აიყრის, თათებს მოიმარჯვებს... მთელის ტანით შეხტება, ჰაერში შეტრიალდება!

— ჰუჰ... მომკალ ბარემ!.. მომკალ! შენი ბრკყალებით, ენგურო!..

კოტა დაბლა კი ენგური ტანის ნელი რხევით ჩაილულუნებს, ნაზად შეეხება ჰალეებს, თეთრს კენჭებს გაღისვრის, შეკუნტრუშდება!.. და უცებ მთებს დაუბრუნდება! ისევ შებღავლებს, ისევ შეჰკვივლებს, ისევ კლდეთ ეძგერება!

— შენი ჭირიმე!—დაიწვივლებს გიჟურის ვნებით გუქიტა. მას თვალთ დაუბნელდება. მთელი ქვეყანა ენგურად მოეჩვენება, ენგური კი—მისთვის აგზნებულ, თავ-დავიწყებით მებრძოლ გმირად.

ზე ბუნებრივი ძალა-შემატებული შეჭვივლებს კიდევ გუქიტა, არა კაცურის გამბედაობით მოსწყდება იგი თავის ადგილს და ენგურის აჩანჩქერებულს შუა ტანში გადაეშვება.

თვალის დახამხამების უმალ გაიტაცებს ენგური გუქიტას. ცოტა ხანს ჩაიხვევს მას ტალღებში და შემდეგ გაათფრებულ, დაჭრილ მხეცისებრი ღრიალით, თითქოს გუქიტას ძვლებმა დაჰკოდეს იგიო, ზე ამოაგდებს, ჰაერში შეისვრის! კვლავ დავცემა გუქიტას უსულო გვამი ენგურის ზედაპარზე.. გაირღვევა მაშინ ენგური და ფსკერის მიუვალ კუნჭულში ჩაიტანს, დაჰმაღავს მას!..
ლეო ქიაჩელი.

მართი მრავალთაბანი.

(ესკიზი).

(ძღვნად არჩილ ჯორჯაძეს).

დასასრული *)

მთელი მახრა რომ მოგველო, გარჟა „საგუბერნიო უწყებისა“, გაზეთს ვერ იზოვიდი. მოწყვეტილი ვიყავ მთელს კაცობრიობას, მთელს სამყაროს. ჩემს თვალწინ მხოლოდ დაუსრულებელი, თოვლით დაფენილი, მიწდვრები იშლებოდა. მაგრამ გულს მაინც არ ვიტყვებდი, იმედინად ვიყავ, თავს ვანუგეშებდი. ღრმად მრწამდა ხალხის სულიერი და ზნეობრივი სიძლიერე. ვეცადე შევერიგებოდი მწარე სინამდვილეს, მაგრამ გული ისევ ჩვენი ქვეყნისკენ მიმიწვდა. ერთს მშვენიერს დღეს გამოვიპარე კიდევ. ვინ ჩამოთვლის, რა ტანჯვა-წვალება გამოვიარე ამ არა ჩვეულებრივ მოგზაურობის დროს, მაგრამ რაკი წინ და წინვე! მქონდა ყველაფერი გათვალისწინებული, ადვილად ვიტანდი ყოველ გვარს გასაქირს...
„და, ისევ გავჩნდა საქართველოში. გადავლახე ლიხის მთა და ჩემს წინ გაშლილს ბუნების საუცხოო სანახაობას რა მოვავლე თვალი, იმედინად გავიფიქრე: ასეთი ყოველად სრულ ბუნების შვილთ არ შეშვენიის გულ-გრილობა და ერთბაშად გამიელვა თავში ბართაშვილის სიტყვებმა:

„რაც ერთხელ სულსა ღრმად დააჩნდების, საშვილის-შვილოდ გარდაიცემის“.
ამ იმედით, ამ რწმენით მიუახლოვდი სოფელ გ—ს, ერთი მეგობარი მეგულებოდა და მკვიდრნიც კარგად მიცნობდნენ.

კვირა დღე იყო. ხალხი ეკლესიის გაღვანთან შეყრილიყო და მუსაიფში იყო გართული. შორიდანვე შევნიშნე კმპკართან გადმომდგარი ჩემი ნაცნობი გლეხი ბართლომე. დამინახა თუ არა, თოფ-ნაკრავივით მიბრუნდა უცებ და სახლისაკენ მოკურცხლა. ბევრი უძახე „ბართლომე, ბართლომე“, მაგრამ შენც არ მომიკვდე, უკანაც არ მოიხედა. ცოტა რომ გავიარე, მეორე ნაცნობ გლეხს წავაწყდი; გაუცინე, სალამის მიცემა მინდოდა, მაგრამ ესეც ბართლომესავით მამერიდა და მსწრაფლ მიეფარა ჩემს თვალებს. რა იყო, რა მოხდა? —ათასჯერ ვეკითხებოდი ჩემს თავს, მაგრამ პასუხი ვერ მომენახა. ეკლესიას მივალწიე და... რაც იქ მე მაშინ განვიცადე —ის ღმერთმა ჩემს მტერს აშოროს... იქითკენ გავსწიე, სადაც ხალხი მრავლად იყო შეჯგუფული, გავარდვიე წრე და ხმა-მაღლა შევძახე:

— გამარჯობა თქვენი, ძმებო!
მიცნეს; ზოგიერთებმა თითქოს წამოიწიეს კიდევ ხელის ჩამოსართმევად, მაგრამ ერთბაშად შედგნენ... აქა-იქ გაისმა ყრუ ჩოჩქოლი, რაღაც გაუგებარი ლაპარაკი, ზოგი მოსცილდა წრეს.

— ხალხნო და ჯამათნო! რა იყო, რა მოხდა, რატომ პირდაპირ არ შეტყვიოთ, თუ რამ დანაშაული მიმიძღვის თქვენს წინაშე?!

ბოლოს მომიახლოვდა სოფელში ყველაზე უფრო პატივცემული გლეხი პეტრია. მოძრაობის დროს პეტრია მოწინავე გლეხთაგანი იყო.

— როგორც მოსულხარ, ჩემო ლევან, ისევე წადი აქედან. რაც ავკიკლეს და გვაწამეს შენი გულისთვის, კმარა ჩვენთვის... მოგვძულდა, ძამია, ამდენ უბედურობაში თავი. მთელი სოფლის სახელით, გადაჭრით გიცხადებ, რომ თუ დღესვე არ მიატოვებ ჩვენს კუთხეს, იძულებული ვიქნებით გავცეთ და უფროსს შევატყობინოთ შენი აქ ყოფნა...

„მივხვდები, ყველაფერს მივხვდები ერთბაშად... ჩუმად, უსიტყვოდ, უკანასკნელ სალამის მიუცემლად მოვცილდი იქაურობას და უაზროდ გაუდექი ისევ იმ გზას, რომლითაც რამ-

დენიმე წუთის წინად შეველ სოფელში. ღმერთო! რა საშინელი უფესკრული, რა საშინელი განსხვავება იყო ჩემს სულიერს განცდაში სოფლის მიახლოებისას და უკან გამობრუნებისას... სულ რაღაც ოციოდე წუთი და... ასეთი საშინელი კონტრასტი! ჩემთვის ცხადზე უცხადესი იყო, რომ ცხოვრებასთან შემავრთებელი ძაფი უკვე გაწყვეტილია და ამიერიდან ჩვენს შორის საერთო აღარა იყო რა... ყველაფერს შეურთიდებოდი, ყველაფერს ავიტანდი, მაგრამ იმას კ ვერ წარმოვიდგენდი, რომ ხანგრძლივ კულტურას მექონე ხალხი ასე ერთბაშად დაფრთხებოდა, შემინდებოდა, დაჰკარგავდა თავ-მოყვარობას და გუშინ თავის მხსნელ მესიად აღიარებულ ადამიანს, დღეს გასაცემად გაიმეტებდა... საზიზღარ გამცემლის როლს იკისრებდა... ამ საშინელმა დასკვნამ გამომაფხიზლა. გონების თვალის მოვავლე მთელს ჩემს წარსულს, აწმყოს და მინდოდა მომავლის ბნელით მოცულ უფესკრულშიაც გადამეხედნა, მაგრამ ვერ შევსძელ. მწარედ გამეცინა: ვინ მე და ვინ მომავალი?! ვის რად ღუნდოდი გაძარცვული, სულ-ხორციანად გამოფიტული? რაღა ვარ ეხლა, რა მქვიან, რის მაქნისი ვარ? სად არის ცხოვრებაში ჩემი ადგილი, ან რის გაკეთება უნდა შევძლო გაძარცვულმა ადამიანმა? — ხმა-მაღლა ვეკითხებოდი ჩემს თავს, როდესაც სოფელს საკმაოდ მოვცილდი და მთის ბილიკს შევუდექე... აი, ეხლაც, როდესაც ამ ამბავს ვიამბობ, სული მეხუთება, აზრები მერვეა და ლამის არის გული შემოდონდეს“.

ლევანი დადუქდა. მესმოდა მისი გულის ძვერა, რომელიც თითქოს ამოვარდნას ჰლამობდა ბუდიდან, რომ ერთბაშად გამსკდარიყო და გადმოეფრებინა ცხოვრების უსამართლობით დაგუბებული ბოღმა-კაემანი...
— უიმედობა სოფლად, უიმედობა ქალაქად... ნუ თუ განჰქრა ყოველივე ვით მოჩვენება, ვით ტკბილი სიზჰარი, ვით ძილის პირად გაგონილი მომხიბლავი ზღაპარი?..

— უბედური ზღვის ქალისა, — ჩემდა უნებურად განვავრდი ლევანის აზრთა დენა და მომავლად ნიავის მიერ ნაჩურჩულევი ზღაპარი, სადაც ზღვის ქალს მიჯნური ცხრა მთას იქით ჰყავდა გადაკარგული, მაგრამ ხელ-ახლად ნახვის იმედს მაინც არ ჰკარგავდა — დროება ცვალებადია, დღეს ჩვენ გარდამავალს ხანას განვიციდით...
— ნეტარ არიან მორწმუნენი! — მწარედ წარმოსთქვა ლევანმა და რაღაც უცნაურად გაიღიმა.

რა იყო ამ ღიმლიში დამარხული: უიმედობა თუ რწმენა? ვინ იცის?
გათენდა. აღმოსავლეთის მხრით ცის კაბადონს გაჰქრასხივთა ისარმა და ოქროს თეთვავებად დაედგა ცად ატყორცნილ შორად ამაყად მდგარ მთის მწვერვალებს. ცოტა კიდევ და წითლად შეღებილი ცის დასავალი ერთბაშად შეიმოსათას ფერად გამომქვირვალ საოცნებო საბანში და ამობრწყინდა დიდებული მზე. ღამის ხეაშიაღში დაიბადა სინათლე. იშვა ახალი დღე და ჩვეულებრივ გაისმა ჰიმნი სასიკაცხლოდ ამოძრავებულ სამყაროსი.

— წამო, წავიდეთ. ხომ იცი დღის სინათლეზე ნადირნი ტყის სიღრმეში იმალებიან. მეც საღამომდე შენთან უნდა შევაფარო თავი, თორემ ვინმე ერთგულობის ჟინით შეპყრობილი“ დამინახავს და სადაც ჯერ არს აცნობებს.

ავდექით. ერთხელ კიდევ გადავხედეთ ზღვას, ერთხელ კიდევ ხარბად შევსუნთქეთ დილის მაცოცხლებელი ჰაერი და უსიტყვოდ გავწიეთ ჩემი ბინისაკენ.
ვაკვირდებოდი ლევანის გამხდარს სახეს, ღრმად ჩაცვივნულს უილაჯოდ მომხიზარლს შავს თვალებს და ეხლა ჩემთვის ცხადი იყო მისი დაკნინებისა და დაბეჩავების მიზეზი.
ერთი კვირის შემდეგ საღამოს მატარებლით გავისტუმრეთ ლევანი.

საით? თვითონაც არ იცოდა საით.
სამი თვის შემდეგ, გაზეთში ამოვიკითხე: „გუშინ სოფელ გ—ს შეიპყრეს და მოჰკლეს ადმინისტრაციულად გადასახლებული და თავის ნებით უკან დაბრუნებული ლევან არობელიძე. მკვლელობის მიზეზად ის გარემოება დაასახელეს, რომ არობელიძეს გაქცივა უნდოდაო“.

ლადო ახობაძე.

*) იხ. სურათებიანი დამატება № 119.